



Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Johannis Strauchi[i] Jcti Amoenitatum Juris Canonici Semestre alterum -
Cum Indicibus

Strauch, Johann

Jenae, 1674

Cap. VI. Ad capit. I. III. & IV. de in integr. restit.

urn:nbn:de:hbz:466:1-10241

capitulo, cives sunt, incolae urbis vel oppidi, in Burgum aliquem adscripti, Ordericus Vitalis lib. 3. *Ante domum cuiusdam Burgen-*
sis. Guilielmus de Nangis: *Mandavit Comes Atrebatii omnes do-*
minas & domicellas ejus patriæ, ut cum uxoribus Burgensum ejus ci-
vitatis choreas ducerent. Quandoque à civibus distinguuntur, ut
 notat Sirmondus ad *Alexandri III. Epistolas & opponuntur Comi-*
tatensis, ut observat Freherus. Burgus πύγρος, turris. Ex
 hisce limitaneis arcibus, castrisque temporis tractu urbes factæ
 fuerunt, hinc nostrum Burger/ pro civitatensi.

C A P. VI.

Ad capit. I. III. & IV. de in integr. restit.

S. U M M A R I A.

1. Alphanensis, Alphanus, Allifa- 5. Pro Floren. rescribatur Ros-
 nus, an Albanus. fensi.

2. Allipha, Alliphium.

6. Evesham monasterium.

3. Albania.

7. Capit. IV.

4. Capit. III.

Alphanen-
 sis, Alpha-
 nus, Allifa-
 nus, an Al-
 banus.

Allipha, Al-
 liphium.

Albania.

Capit. III.

Pro Floren.
 rescribatur
 Roffensi.

Alexander III. rescribit Alphanensi Episcopo. Collectio
 I. Alphano. Ant. Augustinus putat rescribendum, Allifano.
 Est Allipha, Alliphium Samnitum civitas Plinio & Ptole-
 mæo, αλιφία Straboni, inter Venafrum & Beneventum.
 Refertur inter colonias Romanas à Frontino. Capitulum istud
 denuo ponitur in primâ compilatione lib. 3. sub titulo *de reb. Eccl.*
alien. Et quia ibi subjicitur decretali Alexandri ad Episcopum
 Vigornensem, suspicabar legendum, Albanensi. Albania provin-
 cia Scotiæ dicitur. Facit, quod Alexandri nostri rescripta plera-
 que ad Episcopos Britanniæ dirigantur. Sed nihil muto.

In cap. III. rescribit Papa Innocentius III. Heliensi & nescio
 cui Floren. Episcopis Anglicanis. Ex MS. restituatur Roffensi.
 De Heliensi dixi semestri primo, ecloga III. c. 8. Roffensis est suf-
 fraganeus Archiepiscopi Cantuariensis. Confirmatur haec no-
 stra emendatio ex inscriptione cap. 15. x. de prescript. ubi eadem
 species facti, quæ hic, proponitur: Nempe causa vertebatur inter
 Episcopum Wigornensem & Abbatem Eveshamensem seu de E-

ves-

vēsham, ita enim legendum, non Evescam, Evesan, Eveleham, ut legit tertia compilatio hic, aut ut in tit. de prescript. Vasham, de quibusdam Ecclesiis vallis & villæ Eveshami, quas dicces eos jure Episcopus, ad se pertinere dicebat. Monasterium Evesham *Evesham* ab Eggyino Wigorniensi Episcopo tertio, ope Kenredi, Regis monasteriū. Merciorum fuit exstructum circa annum Domini DCC. Vide *Malmesburiensem lib. 4.* Abbas contendebat eas exemptas esse à dioceſi & ditione Episcopi, privilegio Regum Angliæ, Roë & Offa. Ita Raymundus. Collectio III. *Konrado & Offa.* Gregoriani *Rendo:* Cujacius, *Henrico. Lege: Kenredo & Offa,* ut habetur in collectione III. cap. V. de prescript. Exemptas, inquam, ex privilegio Regum, quos dixi, & Papæ Constantini. Ita collectio tertia sub titulo, de præscriptionibus: At hoc tit. sigla C. sola ponitur. Raymundus: Cœlestini, quod ratio temporis non admittit. Retinendus Constantinus. Idem etiam Abbas opponebat Episcopo præscriptionem XL. annorum. Episcopus ad elidendam præscriptionem contendebat Ecclesiam Vigorniensem tanto tempore vacasse, ut eo tempore subducto præscriptio non possit compleri. Quod cum probare non posset, Abbas autem omisisset allegare & probare, vallem de Evesham libertate donatam fuisse à Kento Rege & Constantino Pontifice, id eo Innocentius III. utramque partem restituit in integrum.

Capituli IV. inscriptio in tertia compilatione sic habet: *Capit. IV. Priori S. Mariae ad Carceres, & L. Canonico S. Mariae de Mandriæ.*

Textus ita: *Ex literis dilecti filii Abbatis de Calavea, didicimus, quod cum dilectus filius de Ramusan & Grimol. Archipresbyteri inter l. virum & l. mulierem.* Nimirum sententia divortii prolatâ fuerat ab Archipresbyteris de Ramusam & de Grimol. Mulier appellat ad sedem apostolicam, appellationis causam Pontifex mandat Abbatu & Archipresbytero Paduano. Abbas, cui Archipresbyter vices suas delegaverat, confirmat sententiam divortii, dum pars mulieris in termino non comparuerat. Post sententiā, clapsis octo diebus, venit pater mulieris, & jurejurando affirmavit, se falsis persuasum fuisse literis, nomine judicis præsentatis, in quibus terminus octo diebus serius, quam reverâ statutus erat, prolatus

N 3 fuis-

fuisset. Pontifex in favorem matrimonii, de benignitate canonica ad audientiam mulierem restituit.

C A P. VII.

Ad capitulum IV. de in integr. rest.

S U M M A R I A.

- | | |
|-------------------------|-------------------------|
| 1. Oscensis Ecclesia. | 4. Ilerda, Lerida. |
| 2. Sertoriana Academia. | 5. Hypothesis capituli. |
| 3. Sertorii sepulcrum. | |

*Oscensis Ec-
clesia.*

*Sertoriana
Academia.
Et Sertorii
sepulcrum.
Ilerda, Le-
rida.
Hypothesis
capituli.*

Rescribitur Episcopo & Capitulo Oscensi, in causâ vertente inter Ecclesiam Oscensem & Ilerensem. De illâ, nî fallor, dixi supra, quod urbis sit Episcopalis, olim sub Archiepiscopo Tarragonensi, nunc verò sub Cæsar-Augustano, in regno Arragonio, quâ parte olim Ilergetes Vescetanis, sive Autetanis confines erant, quod fuit etiam causa, ut Osca quibusdam in Vescetanis, vel Autetanis, nonnullis verò in Ilergetibus, ut Proloemæo, fuisse videatur. Hodiè Huesca appellatur, Academiâ illustris, sed eque Episcopali. Academiam jam olim à Sertorio institutam sunt, qui tradunt, ibidem à conjuratis imperfecto & Liboræ sepultæ. Ilerda, hodiè Lerida, urbs Hispaniæ Tarragonensis, in Cataloniâ, Episcopalis sub Archiepiscopo Tarragonensi. Inde Ilergetes populi, oppida ejus Ilerda, Osca, Burtina, Bergidum, Bergusia, Celsa. Lis, inquam, erat inter hasce Ecclesiæ de quibusdam Ecclesiis, coram Eugenio III. Pontifice, qui secundum Ecclesiam Oscensem sententiam dedit. Inde sedente Anastasio IV. Coelestinus Legatus sedis Apostolicæ de causâ iterum cognovit, neque eam terminavit, & ab Alexandro III. mandatum accepit, ut denuo cognosceret. Alejandro mortuo Coelestinus pontifex factus G. S. Angeli Diacono Cardinali, tum Legato sedis apostolicæ in Hispaniâ eandem causam commisit. Denique tempore Innocentii III. Alanus Canonicus Ilerdensis postulavit à Pontifice sententiam Eugenii III. reformari, & Ecclesiam Ilerensem in integrum restituiri. Tandem Pontifex Capitulo Oscensi unicum terminum peremptorium ad diem B. Luciæ assignavit.

C A P.